

## ONS PRYS DIE HERE!

Efs 5:19-20 .. en sing onder mekaar psalms, lofgesange en ander geestelike liedere; sing met julle hele hart tot eer van die Here. (20) Dank God die Vader altyd oor alles in die Naam van ons Here Jesus Christus.

### PSALM 149:1-5 (BDSKP)

1Kom prys die Here.

Bring eer aan die Here in die byeenkoms van die gemeente.

Sing vir Hom 'n lied wat jy spesiaal net vir Hom gemaak het.

Sing saam met al sy kinders liedere om vir Hom dankie te sê.

2Al God se kinders moet bly wees oor Hom, want Hy het hulle gemaak.

Gelowiges moet juig oor Hom, want Hy regeer oor hulle lewe.

3Hulle moet sy Naam prys deur te sing en te dans.

Saam met pragtige musiek moet hulle Hom uit volle bors loof.

4Die Here se kinders gee Hom groot plesier.



### SAAM-PRAAT:

1 Hoe het jy Jan de Wet se optrede beleef?

2 Bespreek die stelling: *aanbidding is 'n fees, nie 'n begraf nie nie*

3 As enige iemand die reg het om fees te vier dan is dit kinders van die lewende God. Waarom? Noem of lys die redes!

- 
- 

4 Wat leer ons in die twee gedeeltes oor aanbidding?

5 Bespreek die stelling: *dit is ironies dat dit in ons kultuur aanvaarbaar is om oor alles opgewonde te raak behalwe oor God.*

6 Om God met oorgawe te prys is om te oefen vir die hemel.

Lees Openbaring 5:11-13 en bespreek dit.

Toe het ek rondom die troon en die lewende wesens en die ouderlinge 'n groot menigte engele gesien. Daar was duisende der duisende, ja, miljoene der miljoene. Ek het hulle hard hoor (12) uitroep: "Die Lam wat geslag was, is waardig om die mag en rykdom, die wysheid en sterkte, die eer, heerlijkheid en lof te ontvang." (13) Die hele skepping, alles in die hemel en op die aarde en onder die aarde en op die see, ja, alles wat daar is, het ek hoor sê: "Aan Hom wat op die troon sit, en aan die Lam, behoort die lof en die eer, die heerlijkheid en die krag, tot in alle ewigheid."